

felicitate. Fuit a consiliis Christinae Sueciae reginae, legatus in Galliam et obiit anno 1645. Grotius unus est ex doctissimis Europae viris. Multa opera concinnavit quorum aliquot inscribimus: *Tractatum de jure belli et pacis*, — *Tractatus de religionis veritate*, — *Commentaria in sacram Scripturam*, — *Tractatus de imperio summarum potestatum circa sacra*, — *Diversa opera theologica*.

GRUBER. — Gruber Gregorius Maximilianus, natione Germanus, jurisconsultus, obiit anno 1799. Edidit opus cui titulus est: *De beneficiis*.

GRUTER. — Gruter Joannes, Antuerpiae natus anno 1560, vir XVI saeculi, professor primum Wittemberg, deinde Heidelberg, professor et bibliothecarius, obiit 1627. Ordinavit: *Collectionem inscriptionum*. Concinnavit quoque opus cui titulus est: *Lampas seu fax artium liberalium*, hoc est, *Thesaurus criticus a bibliothecis erutus*.

GUADAN. — Guadani vel Guadagni Leopoldus Andreas, natione Italus, excellens jurisconsultus, Pandectarum professor, obiit 1785. Scripsit: *De legibus censoriis*, — *In Institutiones Justiniani*, — *In Pandectas*.

GUALD. — Gualdus, jurisconsultus, edidit opus cui titulus est: *De ultima voluntate*.

GUALL. — Joannes Valensis, alius Uvalensis, Galensis, Gualensis, et Valeix, natione Anglus, cœnobii Unigorniensis alumnus, ordinis Minorum, vir fuit devotissimus, pietate, oratione, suavitate eloquii ac doctrina insignis, qui *Arbor vitae* passim appellatus, viginti volumina in lucem emisit. Migravit ad Dominum anno 1494. Cujus praecepta opera sunt: *Margarita doctorum*, — *Communiloquium*, — *Tractatus de Pœnitentia ejusque partibus, una cum ordinario vitae religiosae*, — *In quatuor libros Sententiarum*, etc., etc., etc.

GUARN. — Antonius Guarnierius de monte Regali, ordinis Minorum, magister theologus, in Assisiensi provincia minister provincialis, et commissarius generalis, pro instructione et commoditate tyronum suae religionis, publici juris fecit: *Opus de Ecclesia militante*. Florebat XVII saeculo.

GUARR. — Guarrinus Sebastianus edidit opus cui titulus est: *Defensio inquisitionis*.

GUDEN. — Guden Joannes Mauritius, natione Germanus, doctus jurisconsultus, obiit anno 1688. Scripsit *Dissertationem ad jus publicum*.

GUEVAR. — GUEVARA (Antonius de) prior S. Miguelis de Escalada, et elemosynarius Philippi II, regis Hispaniae, curiae vale dixit, ut studio vacaret. Florebat in XVI saeculo. Scripsit: *Commentaria in Scripturam sacram*, — *Tractatum de auctoritate Vulgatis*, — *De contemptu curiae*.

GUIBERT. — Guibertus abbas S. Mariae de Novigento, in abbacia sua migravit ad Dominum, anno 1124. Vir fuit pietate et virtutibus insignis. Vide opera Venerab. Guiberti in *Patrologia Latina*, edit. Migne, tom. CLVI.

GULL. ARVERN. — Guillelmus Arvernensis, episcopus Parisiensis, sapienter hanc Ecclesiam rexit, monasteria aedificavit, et multos ad fidem convertit suis sermonibus, et migravit ad Dominum anno 1249. Scripsit: *Sermones*, *Tractatus* et *Dialogos in septem sacramenta*.

GULL. AUTISSIOD. — Guillelmus Autissiodorensis hujusce urbis episc., dein episc. Parisiensis; migravit ad Dominum anno 1225. Scripsit: *Summam theologiae*.

GULLIMAN. FRANCIS. — Guillimannus Franciscus (Wuillemain), vir doctissimus, ex Helvetia oriundus, decessit anno 1575. Plura opera concinnavit: *De antiquitatibus Helvetiae*, — *Historia episcoporum Argentorati*, etc.

GUNTHER. — Guntherus (Gonthier), monachus S. Amandi, florebat XII saeculo. Scripsit: *Martyrium S. Cyriaci*, — *Historiam miraculorum S. Amandi*. Alius est Guntherus, poeta eximius XIII saeculi qui multa de sacris scripsit.

GUTIER. — Guthierez vel Gutierrez, a Vera Cruce, Alphonsus, natione Hispanus, ordinis S. Augustini, vixit saeculo XVI. Erat e numero illorum viginti quatuor Patrum quos Philippus II, Hispaniarum rex, ad insulas Maluccas misit, ubi primi verum Deum cultum disseminaverunt. Erat vir, doctrinae claritate, et splendore, et probitate morum insignis, in academia Complutensi olim artium regens. Fuit Mexicanae provinciae praesul, vicarius generalis insularum Philippinarum, provinciae novae Hispaniae visitator generalis, prior cœnobii Madritensis.... Migravit ad Dominum anno 1584. Scripsit: *Commentaria in Epistolam S. Pauli ad Romanos*, — *Comment. in Logicam et Physicam Aristotelis*, — *Speculum conjugatorum, in quo nodos omnes in matrimonio et pœnitentiae sacramentis difficiles subtiliter expedit*.

GUTLER. — Gutler, theologus heterodoxus, ex Helvetia oriundus, theologiae professor, obiit anno 1711. Multa scripsit opera quorum praecepta sunt: *Lexicon linguae Latinae, Germanae, Graecae et Gallicae*, — *Historia Templariorum*, — *Origines mundi*, — *Institutiones theologicae*.

GUYET. — Guyetius Carolus, natione Gallus, Societatis Jesu, professor litterarum et theologiae, migravit ad Dominum anno 1664. Scripsit: *Heortologiam; sive de festis propriis locorum*, — *Ordinem generalem et perpetuum divini Officii recitandi*.

H

HABERT. — Isaac Habertus (Habert), natione Galus, patria Parisiensis, doctor Sorbonicus et episcopus Vabrencensis, vir facundia et eruditione clarus, scripsit: *De consensu hierarchiae et monarchiae*, — *De cathedra sui primatu S. Petri*, — *De iustitia connubialis edicti*, etc., etc. Obiit anno 1668.

HABERT. — Ludovicus Habertus (Habert), natione Gallus, patria Blesensis, doctor Sorbonicus et theologus insignis, obiit Parisiis anno 1718, aetatis suae 83, et varia posteris legavit opera sub his titulis: *Praxis pœnitentiae*, — *Cursus theologiae completus*, — *Tractatus de legibus*, etc.

HÆFTEN. — Jacobus Van Hæftenus (Hæften), natione Batavus, patria Ultrajectensis, ordinis S. Benedicti monachus et abbas, morte functus anno 1648, scripsit: *Disquisitiones monasticas*, — *Venerationem sacram, seu De arte quaerendi Deum* libros duodecim, — *Viam regiam sanctae crucis*, — *Meditationes*, etc.

HÄID. — Joannes Haiden, natione Germanus, Societatem Jesu ingressus anno 1736, scientia, litteris et eruditione claruit, ac laboribus et annis confectus obiit circa annum 1787. Varia et praeclara concinnavit opera, quorum tituli: *Dissertationes de therapia Philonis Judaei*, — *Dissertatio de instituto Ecclesiae infantibus mox cum baptismo conferendi sacramenta confirmationis et Eucharistiae*, — *Animadversiones criticae in chronologia*, — *Exercitationes chronologicae de tribus praecipuis annis Christi, nati, baptizati et morientis*, etc., etc.

HALER. — Franciscus Halerius (Hallier), natione Gallus, patria Carnutensis, doctor et professor Sorbonicus, episcopus Cavariensis; vir ingenio, scientia et eruditione clarus, animam Deo reddidit anno 1658, aetatis suae 63. Scripsit: *Tractatum de hierarchia ecclesiastica*, — *Commentaria in regulas cleri Gallicani de regularibus*, — *De eligendis et ordinandis*, — *Polemica*, etc.

HANSIZ. — Marcus Hansizius (Hansitz), natione Germanus, patria Carinthia, e Societate Jesu, vir eruditione clarus, varia concinnavit opera praenotata: *Germania sacra*, opus quod reliquit imperfectum, — *Analecta pro historia Carinthia*, — *Tria epistolarum de aetate S. Ruperti*. Obiit anno 1766.

HARDUIN. — Joannes Harduinus (Hardouin), natione Gallus, patria Corisopitensis, Societatis Jesu

sacerdos, vir magna eruditione et singulari ingenio insignis, plurima edidit opera, quorum praecipua sunt: *Collectio conciliorum*, — *Commentaria in Novum Testamentum*, — *Opuscula selecta*, — *Opuscula varia*, etc., etc. Obiit anno 1729, aetatis suae 83.

HARMENOP. — Constantinus Harmenopolus, Constantinopolitanus, jurisconsultus Graecus, Thessalonicensis cancellarius, obiit anno 1585, et varia posteris de jure reliquit opera, scilicet: *Promptuarium juris civilis, seu manuale legum dictum Hexabiblos*, — *Epitome divinorum sacrorum canonum*, — *De opinionibus haereticorum qui singulis temporibus exstiterunt*, — *De fide orthodoxa libellus*, etc.

HARPRECT. — Joannes Harprectus (Harprecht), natione Germanus, jurisconsultus insignis et professor, fato functus anno 1639, edidit: *Commentarium in quatuor libros Institutionum juris civilis Justiniani*. HARTZHEIM. — Josephus Hartzheim, natione Germanus, patria Coloniensis, Societatis Jesu presbyter, vir litteris humanioribus et sacris, doctrina et eruditione clarus, obiit anno 1763. Edidit: *Summam conciliorum Germaniae*, — *Summam historiae univ. ab exordio rerum ad annum a Christo nato 1718*, — *Dissertationes historico-criticas in sacram Scripturam*, etc., etc.

HEINEC. — Joannes Michael Heineccius (Heinekke), natione Germanus, patria Eisembergensis in Saxonia, theologus doctissimus, vita functus anno 1752, varia et eximia conscripsit sub his titulis: *De dialectica S. Pauli dissertatio*, — *Scriptores rerum Germanicarum*, — *De veteribus Germanorum aliarumque nationum sigillis syntagma*, etc.

HEINEC. — Joannes Theophilus Heineccius, praecedentis frater, jurisconsultus insignis, philosophiae vicissim et juris professor, alicus consiliarius, obiit anno 1741, aetatis suae 60. Scripsit: *Antiquitatum Romanarum jurisprudentiam illustrantium syntagma*, — *Elementa juris civilis*, — *Elementa juris naturae et gentium*, — *Elementa juris cœnobialis*, — *Dissertationes*, etc., etc.

HELLOT. — Petrus Helyot, origine Anglus, patria Parisiensis, ordinis Minorum S. Francisci monachus, vir eruditione insignis, Gallico sermone scripsit opus praenotatum: *Histoire des ordres monastiques religieux et militaires*, etc. Obiit Parisiis anno 1716, aetatis suae 56.

HENAO. — Gabriel de Henao, natione Hispanus, patria Vallisoletanus, Societatem Jesu ingressus anno 1620, litteras humaniores, philosophiam, theologiam moralem et scholasticam vicissim Oveti et Vallisoleti docuit; Salmanticae sacras litteras magna fama interpretatus est, collegium Methymnense rexit et tandem annis et labore confectus, animam Deo reddidit, anno 1704, aetatis suae 95. Scripsit: *Empyreologiam, seu Philosophiam Christianam de empyreo caelo*, — *Tractationem theologicae de sacrificio Missae*, — *De Eucharistia*, — *De scientia media*, etc., etc.

HENNO. — Franciscus Henno, natione Germanus, ordinis S. Francisci monachus, vir religiosus moribus praeditus, ac doctrina nulli ex doctioribus sui temporis postponendus, concinnavit: *Theologiam dogmaticam, moralem et scholasticam*. Claruit saeculo XVI.

HENRIC. — Henricus a Sancto-Ignatio, natione Belga, patria Athenis, ordinis Carmelitarum monachus, vir ingenio et scientia celebris, vita functus Leodii, anno 1720, plura edidit opera sub his titulis: *Ethica amoris*, — *Theologia vetus, fundamentalis*, — *Molinismus profligatus*, etc.

HENRIQ. — Henricus Henriquez, natione Lusitanus, patria Portuensis, Societatis Jesu, vir philosophicis ac theologicis disciplinis perfecte eruditus, et studiorum praefectus, obiit Tibure anno 1608, posteris relinquens: *Summam theologiae moralis*, tomis III, in-fol. collectam, — *De clavibus Ecclesiae*, — *De fine hominis*, etc.

HENRIQ. — Joannes Chrysostomus Henriquez, natione Hispanus, patria Matritensis, Cisterciensis monachus et historiographus, plurima scripsit, scilicet: *Menologium Cisterciense*, — *Fasciculum sanctorum ordinis Cisterciensis*, — *Lilia Cisterciensia*, etc., etc. Morte praematura Lovanii obiit anno 1652, aetatis suae 37.

HENRYS. — Claudius Henrys, natione Gallus, e Monte-Brisonis oriundus, jurisconsultus insignis et causidicus regius, obiit anno 1662. Varia sermone Gallico scripta edidit opera sub his titulis: *Recueil d'arrêts*, — *Harangues*, — *L'Homme-Dieu, ou Parallèle des actions divines et humaines de Jésus-Christ*.

HENSCHEN. — Godefridus Henschenius, natione Belga, Vennrae in Geldria natus, Societatis Jesu presbyter, vir Graecis et Latinis litteris insigniter excultus, et in historiis ecclesiasticis versatissimus, collata opera cum Joanne Bollando edidit: *Acta sanctorum Januarii et Februarii*, — *Diatribam de episcopatu Trajectensi*, — *Diatribam de tribus Dagobertis Francorum regibus*, etc. Obiit anno 1681, aetatis suae 81.

HERICURT. — Ludovicus Hericurtius (Louis de Héricourt), natione Gallus, patria Suessionensis, jurisconsultus, canonista et causidicus praclarus, vita functus anno 1752, varia sui ingenii monumenta reliquit sub his titulis: *Lois ecclésiastiques de France, mises dans leur ordre naturel*, — *Traité de la vente des immeubles par décret*, — *Abrégé de la discipline de l'Eglise*, etc.

HERING. — Guillelmus Hering, natione Belga, patria Helmontensis, ordinis S. Francisci monachus, doctor Lovaniensis academiae et Iprensis episcopus, publici juris fecit: *Summam theologicae scholasticam et moralem*, — *Centiloquium theologicum*, etc. Obiit anno 1678, aetatis 58.

HERMIN. — Nicolaus Herminierus (L'Herminier), natione Gallus, doctor Sorbonicus, theologus et archidiaconus Cenomanensis, vir doctrina et virtutibus insignis, edidit: *Theologiam scholasticam*, — *Tractatum de sacramentis*, etc. Plenus dierum animam Deo reddidit anno 1755, aetatis suae 78.

HERR. — Franciscus de Herrera, natione Hispanus, ordinis S. Francisci monachus, apud Salmanticenses insignis theologiae professor, vita functus circa annum 1600, scripsit: *Tractatum de angelis*, — *De peccatis*, — *Commentaria in primum et secundum Sententiarum*, — *Expositionem in regulam Minorum*, — *Manuale theologicum, et resolutissimam dilucidationem principatum questionum quae communiter in quatuor libris Sententiarum disputantur*, etc.

HERR. — Joannes Herrera, natione Hispanus, in curia Romana Rotae auditor, vir doctrina et moribus insignis, claruit saeculo XVIII, et edidit: *Decisiones S. Rotae Romanae*, — *Librum de caeremoniis Missae*.

HERT. — Joannes, Nicolaus Hertius vel Hert, natione Germanus, juris professor et cancellarius in Universitate Giessenensi, plura et eximia concinnavit opera, quorum praecipua sub his titulis: *Elementa praesentiae civilis*, — *De fide diplomatum Germaniae imperatorum et regum*, — *Notitia veteris Francorum regni*, etc. Obiit anno 1710.

HESYCH. — Hesyichus Alexandrinus, lexicographus Graecus, concinnavit *Lexicon*. Tempus quo vixerit adhuc latet.

HIERON. (S.) — Sanctus Hieronymus, Ecclesiae doctor, multa et eximia concinnavit opera, quae nuper collegit J. P. Migne, in *Patrologia Latina*, a tom. XXII ad XXX. Obiit anno 420.

HILAR. (S.) — Sanctus Hilarius, episcopus Pictaviensis, Ecclesiae doctor, migravit ad Dominum anno 367. Quoad illius opera vide *Patrologiam Latinam* edit. Migne, tom. IX et X.

HINCMAR. — Hincmarus, nobili apud Gallos loco natus, a pueritia in cœnobio S. Dionysii prope Parisios sub Hilduino abbate educatus, Remensis

archiepiscopus, ingenio et scientia claruit, et diem clausit extremum anno 882. Plurima concinnavit opera, multa quidem eruditione, doctrina et pietate referta, quae videnda in *Patrologia Latina*, edit. Migne, tom. CXXV et CXXVI.

HIPPOCR. — Hippocrates, medicus praestantissimus, natione Graecus, plurima et eximia de medica arte scripsit, praesertim *Aphorismos*, et labore anisque confectus, obiit anno ante Christum 104.

HOFFMAN. — Christianus Fridericus Hoffmannus (Hoffmann), natione Germanus, patria Lusatiensis, jurisconsultus celeberrimus, plurima de jure tum Latino tum Germanico idiomate scripsit opera, quorum praecipua: *Bibliotheca juris publici Germanici*, *secundum materiarum argumenta*, — *De dissensionibus juris in puniendis adulteris*, etc., etc. Obiit anno 1755.

HOJED. — Alphonsus Hojeda, scripsit librum cui titulus: *De incompatibilitate beneficiorum*.

HOLL. — Franciscus Xaverius Holl, natione Germanus, Societatis Jesu, vir litteris humanioribus et juris scientia clarus, obiit anno 1784, aetatis suae 64. Plurima inter opera edidit statisticam Ecclesiae Germanicae.

HOLSTEN. — Lucas Holstenius, natione Germanus, patria Hamburgensis, Romae Sancti Petri canonicus et Vaticanus bibliothecarius, vir ingenio et scientia insignis, plura concinnavit opera quorum praecipua sub his titulis: *Codex regularum monasticarum et canonicarum*, — *De ministro et forma sacramenti confirmationis apud Graecos*, etc., etc. Obiit anno 1661, aetatis suae 65.

HOMOBON. — Homobonus de Bonis, ordinis clericorum regularium Sancti Pauli, vir litteris sacris at theologicis apprime eruditus, publici juris fecit *Theologiam moralem*.

HONOR. A S. MAR. — Honorius a Sancta Maria, in saeculo Blasius Vauxellus nuncupatus, natione Gallus, patria Lemovicensis, ordinis Carmelitarum discalceatorum monachus, vir scientia et virtutibus insignis, obiit Insulis, anno 1729, aetatis suae 78. Plurima tum Latine tum Gallice concinnavit opera sub his titulis: *Animadversiones in regulas et usus critices*, — *Tractatus de indulgentiis et jubileo*, — *Dissertationes in constitutionem Unigenitus*, — *Dissertationes historice et critices sur la chevalerie ancienne et moderne, séculière et régulière*, etc., etc.

HONOR. SOL. — Honorius Solitarius vel Augustodunensis, theologus, scientia, eruditione et virtutibus claruit circa annum 1120 et plurima posteris legavit opera praenotata: *De praedestinatione et gratia*, — *De luminaribus Ecclesiae*, — *Gemma animae*, — *Libellus de haeresibus*, — *Sinopsis mundi*, etc.

HONTHEIM. — Joannes Nicolaus Hontheim, natione Germanus, patria Trevirensis, ecclesiae Sancti Simeonis capituli decanus, et in partibus infidelium episcopus Myriophitensis, vir eruditione clarus, obiit anno 1790, aetatis suae 89. Varia edidit opera quibus tituli: *Decas legum illustrium*, — *Historia Trevirensis diplomatica et pragmatica*, etc.

HOOK. — Lucas Josephus Hooke, natione Anglus, doctor Sorbonicus et theologiae professor, vita functus anno 1796, aetatis suae 80, varia scripsit sub his titulis: *Religionis naturalis et revelatae principia in usum academicae juventutis*, — *Discours et réflexions critiques sur l'histoire et le gouvernement de l'ancienne Rome*, etc.

HOPFNER. — H.... Hopfnerus, natione Germanus, patria Giessenensis, vir litteris tum antiquis, tum recentioribus apprime versatus, jurisprudentiae professor, vita functus anno 1797, plurima de jure scripsit opera et praesertim: *Commentaria in Institutiones juris civilis Heineccii*.

HOPPER. — Joachinus Hopperius (Hoppers), natione Batavus, patria Frisius, jurisconsultus scientia, eruditione et prudentia insignis, plura de jure

concinnavit opera, quorum praecipua: *Ad Justinianum, de obligationibus Πεδέμων, libri quinque*, — *De vera jurisprudentia libri duodecim*, — *De institutione principis*, — *Isagoge in veram jurisprudentiam libri octo*, — *Paraphrasis in psalmos Davidicos*, etc., etc. Obiit anno 1576.

HORN. — Conradus Horneius, natione Germanus, patria Brunopolitana, philosophiam vicissim et theologiam magna cum fama docuit et e vita decessit anno 1649. Inter plurima edidit opus eximium cui titulus: *Philosophiae moralis, sive civilis doctrinae de moribus libri quatuor*.

HORST. — Jacobus Merlo, Horstius dictus e pago ubi natus est, natione Belga, decanus Colonienis, morte functus anno 1644, plurima Latine conscripsit opera ascetica, inter quae: *Paradisus animae Christianae*, — *Viator Christianus*, etc.

HOSPIN. — Rodolphus Hospinianus (Hospinien), Tuguri in Helvetia oriundus, heterodoxus pastor, plurima juris publici fecit opera, de quibus dici potest: *Sunt mala mista bonis et bona mista malis*.

Praecipua sunt: *De templis, hoc est de origine, usu et abusu templorum*, — *De monachis*, — *De festis Judaeorum et ethnicorum*, — *Festa Christianorum*, *Historia sacramentaria*, etc. Obiit anno 1626.

HOSTIENS. — Henricus de Segusia (Henri de Suze), episcopus Hostiensis, quo nomine communiter appellatur et citatur, S. R. Ecclesiae cardinalis, vir in scientia juris canonici et civilis insigniter eruditus, et ideo *Juris splendor* nuncupatur, anno 1271 animam Deo reddidit et posteris reliquit: *Summam auream*, — *Commentaria in Decretales*, etc.

HOTOMAN. — Franciscus Hotomanus (Hotman), natione Germanus, patria Parisiensis, jurisconsultus clarus et professor, fato functus anno 1590, varia de jure conscripsit opera sub his titulis: *Commentarius in quatuor Institutionum juris civilis libros*, — *De consolatione a sacris Litteris*, etc.

HOTOMAN. — Antonius Hotomanus (Hotman), frater praecedentis, vir eruditione et scientia insignis, in curia Parisiensi suprema regiarum causarum actor, plurima de jure tum Latino tum Gallice sermone edidit opera, quorum tituli: *Tractatus de casibus nuptiis*, — *Dialogus de barba et coma*, — *Traité de la dissolution du mariage pour cause d'impuissance*, — *Traité des droits ecclésiastiques, franchises et libertés de l'Eglise gallicane*, etc., etc.

HUBER. — Ulrichus Huberius (Huber), natione Batavus, jurisconsultus clarus et professor, scripsit: *De jure civitatis*, — *Jurisprudentiam Frisicam*, — *Specimen philosophiae civilis*, — *Institutiones historiae civilis*, — *Prælectiones juris civilis secundum institutiones et digesta*, etc. Obiit anno 1694.

HUET. — Petrus Daniel Huëtius (Huët), natione Gallus, patria Cadomensis, Abrincensis episcopus, vir scientia et eruditione praestantissimus, et in Academia Parisiensi cooptatus, plurima tum stricto tum soluto sermone Latine et Gallice concinnavit opera, quorum praecipua sub his titulis: *Demonstratio evangelica*, — *De claris interpretibus, et de optimo genere interpretandi*, — *Note in Origenem*, — *Quaestiones Aletane de concordia rationis et fidei*, — *Traité de la faiblesse de l'esprit humain*, — *Traité sur la situation du paradis terrestre*, etc., etc. Obiit anno 1721, aetatis suae 91.

HUG. CAR. — Hugo Carensis (Hugues de Saint-Cher, natione Burgundus, ordinis S. Dominici monachus, doctor Sorbonicus et S. R. Ecclesiae cardinalis, vir scientia, litteris sacris et pietate clarus, posteris reliquit: *Commentaria in universam S. Scripturam*, — *Concordantiam Bibliorum*, — *Speculum sacerdotum, seu Compendium theologiae*, — *Commentaria super quatuor libros Sententiarum*, etc., etc. Migravit ad Dominum anno 1262.

HUG. DE S. VICT. — Hugo de sancto Victore, canonicus regularis S. Augustini, in caenobio Sancti

Victoris Parisiensis, ubi septennio theologiam insigniter docuit, et obiit anno 1140. Scripsit: *Commentaria in Scripturas*, — *Summam sententiarum*, — *Tractatum de sacramentis*, etc. Vide *Patrologiam Latinam*, edit. Migne, tom. CLXXV-CLXXVII.

HUGON. — Hermannus Hugon, natione Belga, patria Bruxellensis, e Societate Jesu, vir vivo ingenio, canendi et scribendi arte praestans, humanioribus litteris eximia adjunxit philosophiae ac theologiae peritiam. Scripsit: *De prima scribendi origine et universae rei litterariae antiquitate*, — *De vera fide capessenda*, — *De militia equestri antiqua et nova*, etc., etc. Obiit anno 1659, aetatis 41.

HUND. — Wigalaus Hundius de Sultzen, natione Germanus, in suprema curia Bavariae praeses, vir scientia et ingenio clarus, morte functus anno 1588, edidit librum cui titulus: *Metropolis Salisburgensis*.

HURTAD. (T.) Thomas Hurtado, natione Hispanus, patriae Toletanus, clericus regularis Minorum, theologiae professor insignis, obiit anno 1659, et publici juris fecit: *Cursum philosophiae*, — *Resolutiones orthodoxo-morales*, — *De residentia*, — *De unico martyrio*, etc.

HURTAD. (G.) Gaspar Hurtadus, natione Hispanus, patria Mondexarensis, doctor theologiae laureatus, Societatem Jesu complexus est anno 1607, in ea theologiam perpetuo tum Murciae, tum Matriti, tum Compluti annos amplius triginta docuit, et mortalitatis exuvias posuit anno 1646. Edidit in lucem: *Disputationes de matrimonio et censuris*, — *De sacramentis*, — *De justitia et jure*, — *De legibus*, etc., etc.

HURTAD. (P.) — Petrus Hurtadus de Mendoza, natione Hispanus, gente Cantaber, domo Valmeadanus, e Societate Jesu, vir ingenio et doctrina insignis, multos per annos theologiam docuit et obiit anno 1651. Scripsit: *Commentarios in universam philosophiam*, — *De fide, spe, et charitate*, — *In primam partem S. Thomae*, etc.

HYO. — Antonius Hyqueus, natione Hibernus, patria Tuomonensis, ordinis S. Francisci monachus, sacrae theologiae Coloniae, Lovanii et demum S. Isidori in urbe diurnus professor, ac totius ordinis diffusor generalis, vir omni eruditionis genere ornatissimus, philosophia, theologia, sacra Scriptura, conciliis, SS. Patribus, jure canonico, historia ecclesiastica et fidei controversiis apprime versatus, concinnavit: *Commentaria in quatuor libros Sententiarum*, — *Destigmatibus S. Catharinae Senensis*, — *Responsiones gravissimas ad pleraque dubia moralia et ascetica*, — *De conceptione immaculata B. Mariae Virginis*, etc. Diem clausit ultimum anno 1641.

I

ICKSTAD. — Joannes Adamus Ickstadus (baron d'Ickstadt), natione Germanus, jurisconsultus scientia, eruditione et prudentia insignis, scripsit: *Elementa juris gentium*, etc. Obiit anno 1776.

IGNAT. LOYOL. — Sanctus Ignatius de Loyola, natione Hispanus, patria Cantaber, parens et institutor ordinis clericorum regularium Societatis Jesu, vir scientia, zelo et sanctitate clarus, animam Deo reddidit anno 1556, aetatis suae 65. Scripsit: *Exercitia spiritualia*, — *Librum constitutionum Societatis Jesu*, — *De religiosa obedientia epistolam*, — *De perfectione religiosa*, — *De sanctissima Trinitate tractatum*, etc.

ILLESC. — Gonsalvus Illescas, natione Hispanus, sacerdos catholicus et historiographus, vita functus anno 1580. Scripsit: *Historiam Pontificum Romanorum*.

ILLSUNG. Jacobus Illsung, ordinis clericorum regularium Societatis Jesu, juris publici fecit: *Theologiam practicam universam*.

IMHOF. — Jacobus Guillelmus Imhof, natione Germanus, patria Horimbergensis, historiographus et genealogus insignis, vita functus anno 1728, aetatis 77, scripsit: *De notitia procerum Germaniae*, — *Historia genealogica Italiae et Hispaniae*, — *Familiarum Galliae*, — *Portugaliae*, — *Magna Britanniae*, etc., etc.

IMOL. — Joannes de Imola, natione Italus, Baldi majoris discipulus, juris professor clarissimus, obiit anno 1456, posteris relinquens: *Commentaria in Decretales et Clementinas*.

IMOLENS. — Alexander Tartagnus (Tartagni), natione Italus, patria Imolensis, quo nomine saepius appellatur et citatur, jurisconsultus peritissimus, *Doctor veritatis* cognominatus, vita functus anno 1477, edidit: *Consilia*, — *Commentaria*, etc.

IREN. (S.) — Sanctus Irenaeus, natione Graecus, episcopus Lugdunensis, et martyr, anno 202, varia edidit opera, quae videnda in *Patrologia Graeca*, edit. J. P. Migne, tom. VII.

ISAMBER. — Nicolaus Isambertus (Isambert), natione Gallus, patriae Aurelianensis, doctor et professor Sorbonicus, multos per annos insigniter theologiam docuit, et plenus dierum, animam Deo reddidit anno 1642, aetatis suae 77, posteris relinquens: *Tractatum theologiae*, — *Commentaria in Summam D. Thomae*, etc.

ISIDOR. (S.) — Sanctus Isidorus, natione Hispanus, Hispalensis episcopus, vir ingenio et scientia clarus, migravit ad Dominum anno 656, aetatis suae 66. Plura et eximia scripsit opera, quae videnda in *Patrologia Latina*, quam nuper edidit J. P. Migne, a tom. LXXXI ad LXXXIV.

J

JACOB. — Dominicus Jacobatius (Jacobati), natione Italus, patria Romanus, S. R. Ecclesiae cardinalis, vir juris et theologiae scientia praestantissimus, e vivis decessus anno 1527, aetatis suae 84, edidit in lucem *Tractatum de conciliis*.

JACQ. — Franciscus Jacquier, natione Gallus, e Victoriaco-Francico oriundus, ordinis Minorum S. Francisci monachus, vir scientia et virtutibus insignis, Romae obiit anno 1788. Plura et eximia conscripsit opera, quorum praecipua sub his titulis: *Institutiones philosophicae ad studia theologica potissimum accommodatae*, — *Dissertationes de musica, architectura*, etc. — *Newtonis philosophiae naturalis principia mathematica, perpetuis commentariis illustrata*, — *Eléments du calcul intégral*, etc., etc.

JANKOV. — Josephus Jankovinch a Valcovarino, ordinis Minorum S. Francisci, juris publici fecit librum cui titulus: *Promptuarium commissarii visitatoris*.

JANSEN. — Leonardus Jansen, ordinis clericorum regularium Societatis Jesu, concinnavit *Theologiam moralem*.

JANSON. — Jacobus Jansonius, natione Batavus, patria Amstelodamensis, professor theologiae et doctor Lovaniensis, ecclesiae collegialis S. Petri decanus, vita functus anno 1625, edidit: *Commentaria in Psalmos*, — *Institutionem catholici ecclesiasticae*, etc.

JANSSEN. — Hermannus Janssens, natione Belga, ex provincia Germaniae inferioris oriundus, ordinis S. Francisci Recollectus, theologiae lector jubilatus, sacrarum Litterarum professor, varia et perutilia conscripsit opera sub his titulis: *Prodromus sacer ad Scripturas*, — *Explanatio rubricarum Missalis Romani*, etc. Obiit anno 1762.

JAQUEL. — Isaacus Jaquelotius (Jaquelot), natione Gallus, theologus et minister heterodoxus, vir facundia et ingenio insignis, varia conscripsit

operz, quorum præcipua: *Dissertationes de existentia Dei*, — *De sacrificio Missæ*, — *Conformité de la foi avec la raison*, etc., etc. Obiit anno 1708.

JAVEL. — Chrysostomus Javellus, natione Italus, patria Pedemontanus, ordinis S. Dominici monachus et Bononiæ regens, vir incomparabili pene ingenii felicitate præditus, philosophus et theologus longe insignis, e vita cessit anno 1540. Vulgavit: *Commentaria in universam logicam*, — *In Moralem Platonis philosophicam et politicam*, — *Expositionem in Summam D. Thomæ*, — *Tractatum de Trinitate*, — *De sacramento matrimonii*, etc.

JOAN. CAPIST. (S.) — Sanctus Joannes de Capistrano, natione Italus, ordinis S. Francisci monachus, vir facundia, zelo et litteris clarus, migravit ad Dominum anno 1456. Multa et eximia posteris concinnavit opera, quorum præcipua sub his titulis: *Tractatus de auctoritate Papæ et concilii*, — *De excommunicatione*, — *De matrimonio*, — *De jure civili*, — *De usuris et contractibus*, — *Speculum clericorum*, etc., etc.

JOAN. DIAC. — Joannes Diaconus, natione Italus, patria Neapolitanus, circa initium sæculi x floruit, et scripsit: *Chronicon de episcopis Neapolitanis*, — *Vitam Joannis episcopi Neapolitani*, etc.

JOAN. MONAG. — Joannes Monachus (Jean le Moine), natione Gallus, patria Pontiniensis, Bajocensis decanus et S. R. Ecclesiæ cardinalis, vir in jure et theologia eruditissimus, animam Deo reddidit anno 1315. Posteris reliquit: *Commentaria in Decretales*, etc.

JOLY. — Claudius Joly, natione Gallus, patria Parisiensis et cathedralis ecclesiæ canonicus, vir ingenio, scientia et moribus insignis, obiit anno 1700, ætatis suæ 95. Plurima tum Latine tum Gallice concinnavit opera, quorum præcipua sub his titulis: *De reformandis horis canonicis*, ac *rite constituendis clericorum muneribus*, — *Tractatus antiqua ecclesiæ Franciæ circa assumptionem Mariæ*, — *Traité de la restitution des grands*, — *De l'état du mariage*, — *Traité historique des écoles épiscopales*, etc., etc.

JON. — Jonas Fontanellæ monachus, in diocesi Rothomagensi, hagiographus, floruit sæculo viii, et scripsit: *Vitam S. Joannis abbatis monasterii Reomaensis*.

JORD. PAX. — Jordanus Pax, monachus, varia edidit opera *De rebus sacris, episcopis et beneficiis*.

JOSEPH. FLAV. — Josephus Flavius, historiographus Judæus, vita functus circa annum salutis 95, sermone Græco scripsit: *Historiam belli Judæorum*, — *Antiquitates Judaicas*, etc.

JOUX. — Petrus Joux (De Joux de la Chapelle), e Geneva oriundus, religione heterodoxus, in extremis vero catholicus, vir litteris et ingenio clarus, obiit Parisiis, anno 1825, et plurima Gallice concinnavit, præsertim opus cui titulus: *Lettres sur l'Italie considérée sous le rapport de la religion*.

JUEN. — Gaspar Juenninus (Juennin), natione Gallus, in Brixia natus, congregationis Oratorii presbyter, vir eruditione et pietate insignis, multos per annos theologiam docuit et obiit Parisiis anno 1715, ætatis suæ 63. Plura tum Latine tum Gallice conscripsit opera, inter quæ: *Institutiones theologicas ad usum seminariorum*, — *Commentarium historicum et dogmaticum de sacramentis*, — *Théologie morale*, — *Résolution des cas de conscience sur la vertu de justice et d'équité*, etc., etc.

JUL. CLAR. — Julius Clarus, Vide CLARUS JULIUS.

JUNIP. DREP. — Juniperus Drepanensis, vel a Drepano, natione Siculus, ordinis S. Francisci monachus, provinciæ Panormitanæ theologus, provincialis minister ac Lateranensis pœnitentiarius, vir doctrina insignis, in lucem emisit: *Disputationes commentarias pro juris pontificii defensione*, — *De casibus reservatis*, — *Emblemata civilia*, — *De immu-*

nitate et libertate ecclesiastica, — *Totius theologiæ moralis omnium controversiarum securiores sequendas conclusiones*, etc. Obiit in ministeriati suæ provinciæ anno 1648.

JUSTEL. — Christophorus Justellius (Justel), natione Gallus, patria Parisiensis, vir eruditione clarus et in historia præsertim ecclesiastica versatissimus, a consiliis secretis regi Galliæ, vita functus Parisiis, anno 1649, ætatis suæ 69. Scripsit opus eximium cui titulus: *Codex canonum Ecclesiæ universæ*, et aliud prænotatum: *Histoire généalogique de la maison d'Auvergne*.

JUSTEL. (HENR.) — Henricus Justellius, præcedentis filius, Parisiis natus, Londini vero defunctus anno 1693, vir pariter doctissimus et bibliothecarius regius, edidit simul cum Guillelmo Voetio opus prænotatum: *Bibliotheca juris canonici veteris*.

JUSTIN. (S.) — Sanctus Justinus, Ecclesiæ Græcæ doctor et martyr anno 167, plurima scripsit opera, quæ nuper in *Patrologia Græca*, tom. IV, edit. J. P. Migne, collecta sunt; quam vide.

JUSTIS (DE). — Vincentius de Justis, nobilis Lucensis, scripsit opus prænotatum: *De impedimentis et dispensationibus matrimonialibus*

K

KAZEMB. — Kilianus Kazemberger, natione Germanus, strictioris Observantiæ S. Francisci alumnus in re collecta provincia Argentine, sacra theologia lector jubilatus ac diffinitor, elaboravit: *Supplementum theologiæ moralis R. P. Fr. Patritii Sporer*, — *Centifolia theologica*, etc. Scripsit quoque Germanice: *De seraphica religione*. Claruit sæculo xvii.

KELLEN. — Ludovicus Kellen, natione Germanus, ordinis S. Francisci monachus, vicissim minister provincialis, commissarius ac diffinitor generalis, vir sane eruditus, plura elucubravit, ex quibus excusa exstant: *Medulla cedri, seu conciones Dominicales et festivales*, — *Adventuale novum* etc. etc. Floruit sæculo xvii.

KEMPIS (A). — Thomas Malleolus (Haemmerlein.) A Kempis dictus ab urbe Kempen prope Coloniæ, ubi natus est, canonicus regularis monasterii Montis Sanctæ Agnetis, vita functus anno 1471, plurima concinnavit asectica opera curis Sommalii edita Antverpiis, anno 1607, tres vol. in-4^o.

KERCHM. — Simon Kerchm, natione Germanus, ordinis clericorum regularium Societatis Jesu presbyter, vir scientiis philosophicis et theologicis apprime doctus, publici juris fecit: *Dissertationem de actibus humanis*, — *In quartum Decretalium*, etc.

KERCHOV. Gaudentius Vanden Kerchove, natione Germanus, ordinis S. Francisci monachus, lector jubilatus, ex-provincialis et commissarius, opus emisit egregium cui titulum donavit: *Commentarii in generalia statuta ordinis S. Francisci*, et aliud prænotatum: *Methodus corrigendi regulares, sive Praxis criminalis fratribus Minoribus propria, omni regulari judici accommodata*. Claruit sæculo xvii.

KEUL. — Mathias Keul, natione Belga, ordinis S. Francisci monachus, theologiæ lector emeritus, et diffinitor provinciæ Coloniensis, vir eruditus et de republica litteraria optime meritis, recognovit valdeque auctum dedit Latine *Thesaurum doctrinæ Christianæ* quondam a D. Nicolao Turlot Ecclesiæ Namurensis vicario generali concinnatum, — *Rosetum seraphicum, seu Compendium operum S. Bonaventuræ*, — *Apiarium mellissimum continens favos dulciores et delectabiliores ex operibus S. Bernardi*, etc., etc. Floruit sæculo xvii.

KIRCHER. — Athanasius Kircherus, natione Germanus, patria Fuldensis, e Societate Jesu sacerdos, vir scientia, litteris et eruditione præstantissimus, philosophiam moralem, mathesim, linguas Hebræam et Syriacam in variis collegiis professus, plenus

dierum, Romæ obiit circa annum 1680. Plurima et eximia concinnavit opera, quorum præcipua: *Magnesia, sive Conclusiones experimentales de effectibus magnetis*, — *Ars magnetica*, — *Mundus subterraneus*, — *Historia Eustachio-Mariana, qua vita, genealogia et locus conversionis S. Eustachii describuntur*, etc., etc.

KLOTZ. — Stephanus Klotzius, natione Germanus, theologus et pastor heterodoxus, fato functus anno 1668, tum theologia tum metaphysica edidit opera, inter quæ: *Theologiam naturalem*.

KOEL. — Joannes David Koeler, natione Germanus, historiographus celebris et philosophiæ professor, publici juris fecit: *Chronologium historiæ universæ ab orbe condito ad annum 1750*, — *Descriptionem orbis antiqui*. Obiit anno 1765.

KOENIG. — Georgius Koenig, natione Germanus, theologiæ professor, vita functus anno 1654, inter plura theologia edidit opus prænotatum: *Tractatus de casibus conscientie*. — Georgius Mathias Koenig, præcedentis filius, biographus et litterarum professor, defunctus anno 1699, inter multa, quæ conscripsit, opera, reliquit librum cui titulus: *Bibliotheca vetus et nova*.

KOHL. — Joannes Petrus Kohl, natione Danus theologus et litterator, plurimos per annos insigniter docuit historiam ecclesiasticam et humaniora literas, et obiit anno 1778. Varia conscripsit opera sub his titulis: *Theologia gentilis Cimbrica purioris*, — *Ecclesia Græca lutherizans*, — *Introductio in historiam et rem litterariam Slavorum imprimis sacram*, etc., etc.

KOLB. — Petrus Kolbæus, natione Germanus, viator eruditus, vita functus anno 1726, scripsit: *Dissertationem in cometarum naturam*, — *Observationes de aquis capitis Bonæ-Spei*, etc.

KORNMAN. — Henricus Kornmannus (Kornmann), natione Germanus et jurisconsultus celebris, plurima juris publici fecit sub his titulis: *Templum naturæ, seu de miraculis quatuor elementorum*, — *De miraculis vivorum*, — *De miraculis mortuorum*, — *De virginitatis jure*, — *De annulo triptici, usitato, sponsalito, signatorio*, etc. Obiit anno 1620.

KORTHOL. — Christianus Kortholtus (Kortholt), natione Germanus, theologus heterodoxus et professor, vir eruditione et scientia præstantissimus, diem obiit supremum anno 1694, ætatis suæ 61, posteris varia relinquens opera sub his titulis: *Paganus obrectator, sive De calumniis paganorum in veteres Christianos*, — *De origine et natura Christianismi ex mente gentilium*, — *De persecutionibus Ecclesiæ primitivæ*, — *De religione ethnica, Mahumetana et Judaica*, etc., etc.

KRIMER. — Ferdinandus Krimerus, natione Germanus, ordinis clericorum regularium Societatis Jesu, vir scientia insignis et utriusque juris peritus, varia scripsit, sed præsertim opus prænotatum: *Quæstiones canonicæ in quinque libros Decretalium*.

KRISPER. — Crescentius Krisper, natione Germanus, ordinis S. Francisci monachus, vicissim lector, diffinitor et pro-commissarius generalis, vir doctrina, eruditione et virtutibus insignis, scripsit: *Nubila Jansenismi et Quæsnellianismi luce dogmatico-scholastica depulsa*, — *Theologiam scholæ Scotisticæ, seu Expositionem quatuor librorum Sententiarum Scoti*, etc. Migravit ad Dominum circa annum 1750.

KRUC. — Oswaldus Kruger, natione Pruthenus, e Societate Jesu, theologiæ moralis, linguæ sanctæ et mathesis vicissim professor, vir doctrina clarus, Grobnæ obiit, anno 1665. Varia scripsit: *Theorematum et problematum mathematica*, — *Arithmetica*, — *Calendarium Romanum*, — *Centuriam astronomicam*, — *Horologium practicam*, etc., etc.

KULG. — Joannes Kulger, natione Germanus, ordinis clericorum regularium Societatis Jesu alumnus, vir scientiis theologicis præstans, edidit:

Tractatum theologico-canonicum de sponsalibus et matrimonio.

L

LABB. — Philippus Labbæus (Labbe), natione Gallus, patria Biturix, natus Avarici Biturigum, Societatem Jesu anno 1625 amplexus, disciplinas ameniores, rhetoricam, philosophiam et theologiam vicissim docuit; doctrina, eruditione et pietate insigniter claruit, et obiit Parisiis anno 1667. Quam plurima edidit opera, quorum præcipua sub his titulis: *Collectio conciliorum*, 17 vol. in-fol., — *Hagiologium Franco-Galliæ*, — *Chronicon Dolensis cœnobii*, — *De scriptoribus ecclesiasticis*, — *Conciliolorum historia synopsis*, etc., etc.

LABORANS. — Laborans S. R. Ecclesiæ presbyter cardinalis, philosophus et theologus eximius, edidit: *Collectionem canonum*, — *De vera libertate*, — *De justitia et justo*, — *De appellationibus*, etc. Claruit circa finem sæculi xii.

LA CROIX. — Claudius La Croix. Vide CROIX.

LACTANT. — Lucius Coelius Firmianus Lactantius, natione Afer, ut recte creditur, vir ingenio insignis claruit sæculo iv, et scripsit: *Institutionum libros septem*, etc. Vid. *Patrologiam Latinam*, quam edidit J. P. Migne, t. VI et VII.

LAET. — Joannes de Laet, natione Belga, patria Antverpiensis, Societatis Indiarum director, historiographus et geographus insignis, obiit anno 1649, plurima posteris relinquens opera sub his titulis: *Novus orbis, seu Descriptio Indiæ occidentalis*, — *De regis Hispaniæ regnis et opibus*, — *Turcici imperii status*, — *Notæ ad dissertationem Hugonis Grotii de origine gentium Americanarum*, etc., etc.

LAFITAU. — Josephus Franciscus Lafitau, natione Gallus, patria Burdigalensis, e Societate Jesu historiographus, vir ingenio et scientia insignis, varia Gallico sermone conscripsit opera, quorum præcipua: *Mœurs des sauvages américains, comparées aux mœurs des premiers temps*, — *Histoire des découvertes des Portugais dans le Nouveau-Monde*, etc. Obiit anno 1740.

LA FONTAINE. — Jacobus La Fontaine, natione Germanus, ordinis clericorum regularium Societatis Jesu presbyter, vir scientiis theologicis peritus, Romæ defunctus anno 1728, publici juris fecit opus eximium cui titulus: *Constitutio Unigenitus theologicæ propugnata*, 4 vol. in-fol.

LAGOMARSIN. — Hieronymus Lagomarsinus (Lagomarsini), natione Italus, patria Genuensis, e Societate Jesu philologus insignis, litteras humaniores, rhetoricam et linguam Græcam multos per annos professus, Romæ obiit, anno 1775, ætatis suæ 75. Scripsit: *Notas ad Julium Poggianum Senensem*, — *Ad Antonium Mariam Gratianum*, — *Actionem in J. Aug. Thuanum*, — *Orationes*, — *Epistolas*, etc.

LA HAIE. — Joannes de la Haie, natione Gallus, patria Parisiensis, ordinis S. Francisci monachus discalceatus, concionator regius, vir in scientiis theologicis et litteris sacris eruditissimus, migravit ad Dominum anno 1661. Plurima et eximia concinnavit opera, quorum præcipua sub his titulis: *Commentaria in totam sacram Scripturam cum notis et versionibus*, — *Expositio casuum reservatorum*, — *Deliciae prædicantium*, — *Quadragesimale de Evangelio eterno*, — *Duo adventalia*, etc., etc.

LALANDE. — Jacobus de Lalande, natione Gallus, patria Aurelianensis, jurisconsultus et professor insignis, beneficentia et charitate notus, et ideo *Pater populi* cognominatus, obiit anno 1765. Varia de jure tum Latino tum Gallico sermone concinnavit opera sub his titulis: *Specimen juris Romano-Gallici ad Pandectas*, — *Prolegomena ad Decretales de decimis*, — *Commentaire sur la coutume d'Orléans*, etc., etc.